



थारु भाषाके 'क' वर्गके राष्ट्रिय दैनिक

भाषा, संस्कृति ओ समाचारमूलक पत्रिका

पहुरा



PAHURA
NATIONAL DAILY

विवाह पवित्र बन्धन हो,
विवाहलाई लेनदेनको विषय
नबनाऔं,
विवाहमा दाईजो लिने र दिने
काम नगरौं,
दाईजोका कारण हुने हिंसा
अन्त्य गरौं ।



नेपाल सरकार
विज्ञापन बोर्ड

वर्ष २४ अंक ०६ वि.सं. २०८३ सावन ०६ गते बुध थारु सम्वत (२६४९)

[Wednesday 22 July 2026]

(मोल रु. ५।- पेज ४)

डिजिटल पहिचान प्रणालीप्रति नागरिकके आकर्षण बह्ती

सुदूरपश्चिममे असार महिनामे ४०३ अपराधके घटना दर्ता

पहुरा समाचारदाता
कैलाली, ५ सावन । डिजिटल पहिचान प्रणालीप्रति नागरिकके आकर्षण बह्ती जाँदा कैलालीमे गत आर्थिक वर्ष राष्ट्रिय परिचयपत्रके लग ७९ हजारसे ढेर नागरिकके विवरण संकलन हुइल बा ।

जिल्ला प्रशासन कार्यालय कैलालीके आव २०८२-८३ के वार्षिक प्रगति विवरणअनुसार ७९ हजार ५६१ जाने राष्ट्रिय परिचयपत्रके लग विवरण दर्ता करल रहे । उ मध्ये ३६ हजार २० ठो परिचयपत्र छपाइ हुइल कार्यालयमे आइल फे चार हजार ७४० सेवाग्राही परिचयपत्र बुझ आइल स्थानीय प्रशासन शाखा प्रमुख राममूर्ति सिंहसे जानकारी देलै ।

दर्ता अभिलेख विवरण ओ परिचयपत्र नम्बर हुइल डिजिटल कागजके आधारमेफे आवश्यक काम करे सेक्ना हुइल सेवाग्राही छपाइ हुइल परिचयपत्र लेना समयमे नैआइल हुइसेक्ना उहाँके कहाइ बा । ओस्टक करके गत आवमे कार्यालयसे वंशजके आधारमे १० हजार ९८ जानेहे नागरिकता प्रदान करल बा ।

इहे अवधिमे ५० जाने अधीकृत, १७ जाने वैवाहिक अधिकृत ओ १२ जाने गैरआवासीय नेपाली नागरिकता प्राप्त करल बटै । कार्यालयसे नौ हजार ९२५ जानेहे नागरिकताके प्रतिलिपि ओ २२३ बालबालिकाहे नाबालक



परिचयपत्रसमेत वितरण करल जनैले बा । राहदानी सेवातर्फ सात हजार ५४ आवेदन दर्ता हुइलके उ मध्ये छ हजार ७८० ठो राहदानी छपाइ हुइल आइल ओ छ हजार ४३८ ठो वितरण करल बा । राहदानी शुल्कसे किल रु तीन करोड ६६ लाख ५१ हजार ६०१ राजस्व संकलन हुइल कार्यालय जनैले बा ।

ओस्टेक करके कार्यालयमे गत आव सार्वजनिक, जुवातास, खाद्यसम्बन्धी ओ सवारी दुर्घटना क्षतिपूर्तिसहित १९८ ठो लावा मुद्दा दर्ता हुइल रहे । उ मध्ये १०८ मुद्दा फरछाइना हुइल बटै । आघे आर्थिक वर्षसे जिम्मेवारी सरलके एक सय ९७ मुद्दामध्ये ५२ टुङ्ग्याइटी कार्यालय जनैले बा ।

संघसंस्था प्रशासनओर ६८ लावा संस्था दर्ता, चार सय ९८ संस्थाके नवीकरण, एकठो शाखा विस्तार, ७८ ठो हतियार नवीकरण ओ तीनठो लावा

छापाखाना दर्ता करल बा । इन्द्रपीडित राहत कार्यक्रमअन्तर्गत २२ जाने घाहिल ओ अपाडता हुइल व्यक्तिहे रु २८ लाख २० हजार राहत वितरण करल बा कहलै जनआन्दोलन २०६२/६३ के शहीद परिवारेहे मासिक आर्थिक सहायता उपलब्ध करल शाखा प्रमुख सिंहसे बटैलै ।

आर्थिक वर्षभर राहदानी शुल्क, कम्पनी दर्ता, प्रशासनिक दण्ड-जरिवाना, हातहतियार इजाजत, धरौटी सदरस्थाहा ओ अन्य सेवा शुल्कसे कार्यालयसे कूल रु चार करोड ६६ लाख १७ हजार ६६ राजस्व संकलन करके जनैले बा ।

ओस्टेक, गुनासो व्यवस्थापनओर अख्तियार दुरुपयोग अनुसन्धान आयोगसे प्राप्त १७ मध्ये १५, हेला सरकारमार्फत आइल एक सय ६५ मध्ये एक सय ६०,

ठाडो उजुरीके तीन सय २३ ठो ओ गृह मन्त्रालयसे प्राप्त ३० ठो गुनासो फरछ्याइटी करल प्रमुख जिल्ला अधिकारी हीरालाल रेग्मी जानकारी देलै ।

उहाँ सककु कर्मचारी ओ सरोकारवालाके सहकार्यके कारण सेवा प्रवाहमे सहजता हुइल उल्लेख करटी आगामी देना सेवामे थप सुधार ओ प्रभावकारिताके लग आन्तरिक ओ बाह्य समन्वयहे अभिन सुद्ध बनेना बटैलै ।

पहुरा समाचारदाता
धनगढी, ५ सावन । सुदूरपश्चिम प्रदेशमे असार महिनामे ४ सय ३ ठो अपराधके घटना दर्ता हुइल बा ।

सुदूरपश्चिम प्रदेश प्रहरी कार्यालय धनगढी कैलालीसे आर्थिक वर्ष २०८२/०८३ के सालके असार महिनाके प्रगती विवरण सार्वजनिक करटी एक महिनामे ओटरा मुद्दा दर्ता हुइल जनैले बा ।

ओम्नेसे ज्यान सम्बन्धी मुद्दा ७५, आत्महत्या ५६, चोरी सम्बन्धी १७, संगठिक तथा आर्थिक अपराध १०८, सामाजिक अपराध ५५, महिला तथा बालबालिका सम्बन्धी अपराध ३८, सवारी ज्यान १३ अन्य ४१ करके जम्मा ४ सय ३ ठो घटना दर्ता हुइल सुदूरपश्चिम प्रदेश प्रहरी कार्यालयके प्रहरी प्रवक्ता प्रहरी

वरिष्ठ उपरीक्षक पदम बहादुर विष्ट जनैले ।

जघन्य तथा गम्भीर अपराधओर कर्तव्य ज्यानमे ५, हातहतियारमे १, मानव वेचबिखनमे ६, बैकिङ कसुर २९, जुवातास ६, ठगी ६, महिला बालबालिका तथा जेष्ठ नागरिक सम्बन्धी ३८ करके ९१ ठो घटना दर्ता हुइल रहे ।

चालु मुद्दाके प्रतिवादी पक्राउ ओर जम्मा ४०३ ठो मुद्दा दर्ता हुइलमे पक्राउ संख्या ४१८ओ पक्राउ कैना बाँकी ६१ ठो रहल बा । सार्वजनिक चासो रहल पेण्डिङ मुद्दा २४ सय ४ रहलमे फरछौट संख्या ३४ रहल बा ।

फैसला कार्यान्वयनके शिलसिलमे १ सय १० जाने पक्राउ परल बटै कलेसे उहाँहुकनसे टिरेपना ४३ हजार ९८ हजार ५५८ रुपया राजश्व (बाँकी ३ पेजमे)

स्वच्छ शहर: स्वस्थ शहर

- ❖ धुवाँ बढी फाल्ने सवारी साधनको प्रयोग नगरौं,
- ❖ सवारी साधनको समय-समयमा मर्मतसम्भार गरौं,
- ❖ तोकिएको स्थानमा मात्र फोहोर फालौं,
- ❖ नदी किनार, सडक छेउ र सार्वजनिक स्थानमा वृक्षारोपण गरौं,
- ❖ सार्वजनिक स्थलका बोट-विरुवा तथा फलफूलको संरक्षण गरौं,
- ❖ ध्वनि र वायु प्रदुषण कम गरौं,
- ❖ सडकको समय-समयमा मर्मतसम्भार गरौं,
- ❖ सडकमा निर्माण सामग्री नराखौं ।

शहरलाई सफा राखौ: सुन्दर बनाऔ ।



आरक्षपीडितसे पुनर्स्थापनाके माग



पहुरा समाचारदाता
कञ्चनपुर, ५ सावन । महेन्द्रनगरस्थित जडीबुटीके जमिनमे भौँप्री बनाके बैठटी आइल हिरापुरसे विस्थापित ४५ वर्षीय आरक्षपीडित दुखिनी रानाके भौँप्री दुबानमे परलपाछे चिन्तित हुइल बटी ।

लगातार तीन दिनके वर्षासे भौँप्रीमे पानी भरलपाछे उहाँ जस्टे जडीबुटीके जमिनमे टहुरा बनाके बैठल निकुञ्जपीडित दिनरात पानीमे भिजके बैठे परल गुनासो करले बटै ।

पालसे छाँडल भौँप्रीमे जमिनके सतह भरके पानी भिट्टर पँटे लागलपाछे कष्टकर जीवन बिटाइ परल औरै

आरक्षपीडित गङ्गाबहादुर विष्ट गुनासो करलै । भौँप्री मर्मतके लाग भुइँयामे ईटा बिछ्याटी रहल उहाँ खाना पकाइक लाग समेत ठाउँ नैरहल गुनासो करली ।

उहाँ कहली, “दुई दिन भुँखले बैठे परल । सरकारसे पुनर्स्थापनाके आश्वासन डेलेसे फेन कौनो व्यवस्था नैकरल ओरसे समस्या हुइल बा ।” सरकारसे अस्थायी बसोबासके समेत व्यवस्था नैमिलाइल कहटी आरक्षपीडित सोम्मारसे पुनः आन्दोलित हुइल बटै ।

उहीसे आघे गत वैशाखमे आन्दोलित उहाँहुके व्यवस्थापन मिलैना आश्वासनपाछे आन्दोलन (बाँकी ३ पेजमे)

सुदूरपश्चिम प्रदेशको अत्याधुनिक सुविधा सम्पन्न

Advanced Healthcare for all...

निसर्ग हस्पिटल

एण्ड रिसर्च सेन्टर प्रा.लि.

विशेषज्ञ डाक्टर तथा ओ.पि.डी सेवाहरू

जनरल फिजिसियन (पेट, छाती, मुटु) रोग विशेषज्ञ	रेडियोलोजी विशेषज्ञ	न्युरो, गस्त्रोएन्टे, नशा तथा मेरुदण्ड रोग विशेषज्ञ	हाडजोर्नी तथा स्पोर्ट्स फिजियोथेरापिस्ट
हाडजोर्नी तथा नशारोग विशेषज्ञ	जनरल तथा ल्याप्रोस्कोपिक सर्जन	स्त्री तथा प्रसूति रोग विशेषज्ञ	तबजात शिशु तथा बालरोग विशेषज्ञ
नाक, कान, घाँटी तथा थाइरोइड रोग विशेषज्ञ	एन्डोस्कोपिक तथा क्रिटिकल केयर विशेषज्ञ	मुख, अनुहार तथा बङ्गारा विशेषज्ञ	मानसिक तथा नशा रोग विशेषज्ञ
घाला, चाल, कुष्ठरोग तथा सौन्दर्य विशेषज्ञ	मृगौला तथा मुत्ररोग विशेषज्ञ	मुटु रोग विशेषज्ञ	

Hasanpur, Dhangadhi-5, Kailali, Nepal

091-527000/01/02, 9865680100, 9804600745

www.nisargahospitalnepal.com | nisargahospitalnepal

स्माईल चौधरीसे प्रकाशित

सठपाढक : प्रेम चौधरी (९८४८४२२२०७)

कार्यकारी सठपाढक : राम दहित (९८४८४९४५१८)

भाषा सल्लाहकार : दिलबहादुर चौधरी

पहुना सठपाढक : कृष्णराज सर्वहारी

व्यवस्थापन सल्लाहकार : राजकुमार चौधरी

प्रधान कार्यालय: धन.पा.- ८, शिवनगर, कैलाली (नमस्ते सहकारी भवन)

मसुरिया शाखा: दिनेश दहित (९८१२६४१६०१)

पहलमानपुर शाखा: जीवन चौधरी (९८४७५०१८८७/९८२५६२९३०५)

प्रधान कार्यालय धनगढी

E-mail: dailypahura@gmail.com,

Website: pahura.com

मुद्रक : समैजी अफसेट प्रेस, वेहडी, धनगढी

मानव-वन्यजन्तु द्वन्द्व न्यूनीकरण कैना पूर्वसूचना प्रणाली जडान



पहुरा समाचारदाता
नेपालगञ्ज, ४ सावन । मानव-वन्यजन्तु द्वन्द्व न्यूनीकरण कैना उद्देश्यसे बाँके राष्ट्रिय निकुञ्जके मध्यवर्ती क्षेत्रके गाउँमे पूर्वसूचना प्रणाली जडान करल बा ।
वन्यजन्तुके जोखिमसे स्थानीयहे जोगैना कोहलपुर-१३ के खडगवार, राप्तीसोनारी-९ के महादेवपुर, राप्तीसोनारी-८ के बुचापुर तथा राप्तीसोनारी-२ के गोभारपुरमे पूर्वसूचना प्रणाली (साइरन) जडान करल जेडिएसएल नेपालके फिल्ड प्रतिनिधि कमल रेग्मी जानकारी डेलै ।
उ प्रणाली हात्ती, बाघ, चितुवा, निलगाईलगायत वन्यजन्तुके सम्भावित आक्रमणबारे समयमे सूचना डेके स्थानीयहे सतर्क हुइना सहयोग कैना उहा बटैलै ।
बाँके राष्ट्रिय निकुञ्जके प्रमुख वीरेन्द्र कँडेल वन्यजन्तुके जोखिम न्यूनीकरणके लाग चार स्थानमे पूर्वसूचना प्रणाली जडान करल जानकारी डेलै ।
उहाँक अनुसार गैल असारमे जिपिएस ट्याकिड प्रणालीसमेत जडान करल बा ।
उहाँ निकुञ्जसे बस्ती सुरक्षित रखन तारबार, मेषजाली,

संधियारको नाममा जारी १५ दिने सूचना

यस उपमहानगरपालिकाको वडा नम्बर ३ स्थित कित्ता नं. ६९५ क्षेत्रफल १५२.३९ वर्गमिटरमा भवन निर्माण गर्ने घरधनी श्री देवकी शाहले यस उमनपामा पेश गरेको नक्सा बमोजिमको भवन निर्माण गर्न संधियारको नाममा सूचना प्रकाशित गरिएको छ । निवेदन साथ पेश हुन आएको प्रमाण र नक्साको आधारमा निर्माण स्वीकृति दिँदा तपाईंको जग्गाको हानिनोक्सानी हुन्छ, हुँदैन, सन्धि सर्पन हानिनोक्सानी हुने भए यो सूचना प्रकाशित भएको मितिले १५ दिनभित्र सबूत प्रमाणसहित नगरपालिकामा उजुर गर्न सूचित गरिन्छ । अन्यथा कानून बमोजिम नक्सापास भै जाने व्यहोरा सम्बन्धित सबैको जानकारीको लागि अनुरोध छ ।

१. निर्माण निमित्त प्रस्तावित जग्गाको चार किल्लाको विवरण

पूर्व: कल्पना बम

पश्चिम: दिपा भट्ट

उत्तर: कृष्ण खतिवडा

दक्षिण: सडक

धनगढी उपमहानगरपालिका

नगर कार्यपालिकाको कार्यालय, धनगढी, कैलाली

“लैङ्गिक समानताके लाग समान सोच ओ व्यवहार: समृद्धिके आधार”

कमैया इतिहासके छुटल अध्याय

कमैया, कमलरी ओ बुकरहीहुकनके जीवनमे गहिर पीडा, शोषण ओ अपमानके इतिहास बा, उहिनसे आजसम फेन उहाँहुकनके स्मृति ओ जीवनमे गहिर घाउ छोडल बा । राज्यसे कानुनी रूपमे मुक्त घोषणा करलेसे फेन उहाँहुके अभिन सामाजिक, आर्थिक ओ मानसिक रूपमे पूर्ण रूपमे मुक्त हुइ सेकल नैहो ।
यी कथा केवल व्यक्तिगत पीडाके कथा नाइहो, बरु नेपाली समाजके संरचनागत विभेद, वर्गीय वर्चस्व ओ महिलाउप्पर हुइल हिंसाके ऐतिहासिक दस्तावेज हो । मीी बुडी बेलाबेला जमिनदारके कथा सुनैठि । उ सामान्य कथा नाइहो । उ टे पीडा ओ आक्रोशसे भरल कथा हो ।

धान लगाइ सेकन हुइलपाछे सायद आठ-नौ वर्षके रहलमे कैलालीके लालपुर गाउँके एक जमिनदारके खेतमे मजदुरी करे जाइ बुडी । उहाँ अपन उमेर ठ्याक्के कहे नैसेक्ली काहेकि उहाँहे अपने जन्म साल पटा नैहो । नागरिकतामे भर १९९७ साल उल्लेख बा । गाउँके अन्य महिला ओ लवणडी मजदुरी करना करल देखके उहाँ फेन कुछ पैसा कमैना आशामे जाइ ।
जमिनदार कामके निश्चित दर तोक्ले नैरहे । दिनभर धान लगाके उहाँ लवणडीके छाती हेरके पारिश्रमिक निर्धारण करै । जेकर छाती भारी रहे, उहिनहे कुछ ढेर पैसा । जेकर छोट, उहिनहे कम । बुडी आज फेन हँस्ति सुनैलि, ‘मै छोट रहु, महिन टे इट्टीचे डेहल ।’
उहाँ बेलाबेला देशरज्वा, गुर्गंगा, चौधरीयाजैसिन उबेला नाम चलल जमिनदारके कथा सुनैठि । आज यी कथा सुन्के किल फेन आक्रोश ओ अपमानसे मथिगल हिलठ । सम्पत्तिके उन्मादमे एक शोषक एक बालिकाके शरीरउप्पर करल शक्ति प्रदर्शनसे आज फेन मन अस्थिर बनाइठ । बुडी कमलरी नैरहि । उहाँ केवल मजदुरी करे जाइ । दैनिक ज्याला करना बालिका टे अइसिन अपमान सहे परे कलेसे वर्षौंसम कमैया ओ कमलरी जीवन बिटाइल मनै कत्रा हिंसा, अपमान ओ आघात भोगल हुइ ? उ आघात आज फेन मुक्त कमैया ओ मुक्त कमलरीके शरीर ओ स्मृतिमे जीवित बा ।

आज फेन हजारौं मुक्त कमैया ओ मुक्त कमलरी हमार समाजमे बटै । उ खोला किनारमे, जंगल छेउमे, बगरके छापामे जीवन बिटैटि बटै । उहाँहुके विगतके आघात भुलके मुस्कुरैना प्रयास करठै, मने परिस्थितिसे नैडेहठ । झुरी परलमे उहाँहुकनके छप्रा चूठ । कौनो दिन काम नैपाके भोके सुटेपरठ । कागजमे उहाँहुके मुक्त हुइल बटै, मने जीवनके आघातसे मुक्त हुइ सेकल नैहो । थारू भाषामे काम करना वा कमैना पुरुषहे ‘कमुइया’ कहिजाइठ, महिलाहे ‘कमलरिया’ । पाछे यी शब्द नेपालीकरण हुइल । ‘कमुइया’ ‘कमैया’ बनल ओ ‘कमलरिया’ ‘कमलरी’ । गैरसरकारी संस्था, राज्यके दस्तावेज

ओ सञ्चारमाध्यम ‘कमैया’, ‘कमलरी’ शब्द स्थापित करल । अइसिके स्थापित करल कि आज थारू गाउँमे फेन मूल शब्द ‘कमुइया’ ओ ‘कमलरिया’ हैरैटि बटै ।
सब कमैया एक नैरहै
कमैया ढरना चलन थारू गाउँमे प्रचलित रहे । मने, सब कमैयाके अनुभव एकनासके नैरहै । भारी जमिनदार (जेकर सयौं बिघा जमिन रहे) धेर कमैया ओ कमलरी ढरै । कमैया कोइ हर जोटे, कोइ गोरू-भैंस हेरे, कोइ भेडाबाखा । कमलरीहुके कोइ गोबर फँके, कोइ भाँडा मिसे । कुछ

बुकरही किसानके घरमे काम करल दिन ‘कलुवा’, ‘मिभ्नी’ ओ ‘बेरी’ अर्थात् दिनके तीन चो खैना खाना किसानके घरमे सपरिवार खाइ पाइठ । जैसिक जमिनदार ओ थारू किसानके घरमे कमैयाके जीवन फरक रहे, ओस्टेक बुकरहीके जीवन फेन फरक रहे । किसानके घरमे बुकरहीके श्रमके मूल्य नैरहे, मने जमिनदारके घरमे उहाँक शरीर असुरक्षित रहे । जमिनदारकोमे रहल ढेर बुकरही बलात्कारके सिकार हुइपरठ । मालिक उहाँउप्पर मनमौजी करे सेके । ना बुकरही बोले सेकिट, ना कमैया प्रतिवाद करे सेकै । बोल्लसे लाठी बर्सै वा और भारी हिंसा होए । थारू गाउँगाउँमे रहल जमिनदार कमैया-कमलरीहे किल नाइकि, अन्य थारूउप्पर समेत अत्याचार करै ।
टमान ठाउँमे थारूहे जमिनदारकेमे बेगारी (बिनापारिश्रमिक काम करना) के लाग बाध्य पारजाए (जस्टे खेतमे धान लगैना ओ कटन्) । कोइ आदेशके अवज्ञा करे सेक्ना अवस्था नैरहे । काहेकि प्रहरी, अदालत, वकिल ओ स्थानीय प्रशासनके प्रभावशाली व्यक्तिसँग जमिनदारहुकनके मिलेमतो ओ पहुँच बलगर रहे । जमिनदारविरुद्ध बोल्ल अपन जीवन जोखिममे परना रहे । यिहे सामाजिक-राजनीतिक सन्दर्भमे तत्कालीन नेकपा (माओवादी) कैलाली ओ अछाम जिल्ला संगठन समिति २०५५ सावन १६ से २५ गतेसम ‘सामन्तहुकनके हतियार कब्जा अभियान’ चलैले रहे । यी अवधिमे १७ जाने शोषक-सामन्तहे कारबाही कैके १४ ठो हतियार कब्जा करल बाट लेखक जोखन रत्नैया अपन डायरीमे उल्लेख करले बटै ।

जमिनदारके घरमे टे पशु अत्रा ढेर रहै कि एक जाने महिला कामदार गोबर फँक्ना काम किल करे ।
जमिनदारबाहेक थारू किसान फेन कमैया ढरै । जमिनदारहे गाउँलेहुके ‘जिम्डरवा’ कहै । कमैया-कमलरीहुके औरेक आगे जमिनदारहे प्राय: ‘मलिकवा’ ओ जमिनदारके आघे ‘मलिकवा हजूर’ कना सम्बोधन करै । थारू किसानहे औरेक आघे प्राय: ‘किसन्वा’ कहै । किसानके घरमे काम करना कमैया-कमलरी घरके सबहे कुछ टे साइनोसे बोलाइ- जस्टे ‘डाडा भउजी’, ‘काकाकाकी’ । अइसिन सम्बोधन

‘मलिकवा’ के घरमे कल्पनासम नैकरजाए ।
थारू किसानके घरमे रहल कमैयाके जीवन जमिनदारके घरमे रहल कमैयासे टमान फरक रहे । थारू किसानसे कमैया-कमलरीहे घरके सदस्यसरह व्यवहार करै । अपवादबाहेक, किसान घरके सदस्य अपन कमैया ओ कमलरी सँग बराबरी काम करै । परिवार ओ कमैया-कमलरी सबके लाग एक मेरिक खाना पाइठ । थारू किसानके घरमे रहल कमैयासे अपन खाइल टठियासमेत धुइ नैपरे । काहेकि भाँडा मिस्ना काम

कमैयाके जीवन बिल्कुल फरक रहे । उहाँहुके काम करना ढरलेसे ढेर मालिकके दास रहै । अधिकांश कमैयाउप्पर ‘सौकी’ अर्थात् बहटि जैना ऋणके बोझ रहे । उ ऋण कबु नैओराइ, बरु उल्टे बहठ । ‘सौकी’ बहके बाबा, छावा, नातिसमके कैयौ पुस्ता एक जमिनदारके दास होके जीवन व्यतीत करे परे । कमैयासे किल नाइहो, ओकर गोसिलिया ओ बच्चासमेत जमिनदारकेमे काम करेपरे । ओकरपाछे फेन ऋण चुत्ता नैहोए ।
कमलरी : श्रम शोषणसे यौनहिंसासम
सम्पन्न परिवार छोट लवणडीहे घर ओ खेतके काममे कामदारके रूपमे ढरै । खैना-लगैना नैपुग्न गरिब परिवारके डाइबाबा अपन छाइहे बाध्यतावश जमिनदारके घरमे वा रहलके घरमे काम करे पठाइ । कुछ काम करे सेक्ना सात-आठ वर्षके बालिकाहे समेत कमलरी ढरना चलन रहे । उ बालिकाहे उहाँहुकनके उमेर ओ क्षमतासे ढेर कठिन काम कराजाए । ओकर शोषण श्रमके किल सीमित नैरहे । टमान बालिका शारीरिक, मानसिक ओ यौनहिंसाके सिकार हुइटै ।
विवश डाइबाबासे अपन छाइहे रहलके घरमे काम करे पठैले रहै, बेच्चे नैरहै । उहाँहुकनके आशा रहे- छाइ काम करे ओ कम्तीमे पेटभर खाइ पाए । मने, अधिकांश पूर्वकमलरीके अनुभव बा-काम करलेसे फेन पेटभर खान नैपाजाए । मालिक-मालिकनी विवश कमलरीउप्पर अपन अधिकार जमाइ । छोट बच्चीहे कठोर काम करैना, निर्दयतापूर्वक पिट्ना ओ यौनहिंसा करनाहे अपन अधिकार सम्भै ।
कुछ घटनामे कमलरीके मृत्यु हुइलपाछे आत्महत्या कहिके सार्वजनिक करगिल । उदाहरणके लाग, २०७५ जेठ २९ मे बासगढी नगरपालिका-२ बर्दियाके ११ वर्षीया अस्मिता चौधरी कमलरी रहल मालिकके घरमे भुलल अवस्थामे रहि । कमलरी अधिकारके लाग काम करना अभियन्ता ओ संस्थासे उ ‘आत्महत्या नैहोके हत्या हुइल’ दाबी करटि निष्पक्ष छानबिनके मागसहित आन्दोलन करले रहे ।
सबसे अदृश्य बुकरही
थारू समुदायमे चरम श्रम शोषणके चर्चा हुइबेर सबसे ओभेलमे परल बुकरहीहुके । बुकरही कलेक कमैयाके गोसिलिया ।(बाँकी ३ पेजमे)



इन्दु थारू

कमैयाके जीवन बिल्कुल फरक रहे । उहाँहुके काम करना ढरलेसे ढेर मालिकके दास रहै । अधिकांश कमैयाउप्पर ‘सौकी’ अर्थात् बहटि जैना ऋणके बोझ रहे । उ ऋण कबु नैओराइ, बरु उल्टे बहठ । ‘सौकी’ बहके बाबा, छावा, नातिसमके कैयौ पुस्ता एक जमिनदारके दास होके जीवन व्यतीत करे परे । कमैयासे किल नाइहो, ओकर गोसिलिया ओ बच्चासमेत जमिनदारकेमे काम करेपरे । ओकरपाछे फेन ऋण चुत्ता नैहोए ।
कमलरी : श्रम शोषणसे यौनहिंसासम
सम्पन्न परिवार छोट लवणडीहे घर ओ खेतके काममे कामदारके रूपमे ढरै । खैना-लगैना नैपुग्न गरिब परिवारके डाइबाबा अपन छाइहे बाध्यतावश जमिनदारके घरमे वा रहलके घरमे काम करे पठाइ । कुछ काम करे सेक्ना सात-आठ वर्षके बालिकाहे समेत कमलरी ढरना चलन रहे । उ बालिकाहे उहाँहुकनके उमेर ओ क्षमतासे ढेर कठिन काम कराजाए । ओकर शोषण श्रमके किल सीमित नैरहे । टमान बालिका शारीरिक, मानसिक ओ यौनहिंसाके सिकार हुइटै ।
विवश डाइबाबासे अपन छाइहे रहलके घरमे काम करे पठैले रहै, बेच्चे नैरहै । उहाँहुकनके आशा रहे- छाइ काम करे ओ कम्तीमे पेटभर खाइ पाए । मने, अधिकांश पूर्वकमलरीके अनुभव बा-काम करलेसे फेन पेटभर खान नैपाजाए । मालिक-मालिकनी विवश कमलरीउप्पर अपन अधिकार जमाइ । छोट बच्चीहे कठोर काम करैना, निर्दयतापूर्वक पिट्ना ओ यौनहिंसा करनाहे अपन अधिकार सम्भै ।
कुछ घटनामे कमलरीके मृत्यु हुइलपाछे आत्महत्या कहिके सार्वजनिक करगिल । उदाहरणके लाग, २०७५ जेठ २९ मे बासगढी नगरपालिका-२ बर्दियाके ११ वर्षीया अस्मिता चौधरी कमलरी रहल मालिकके घरमे भुलल अवस्थामे रहि । कमलरी अधिकारके लाग काम करना अभियन्ता ओ संस्थासे उ ‘आत्महत्या नैहोके हत्या हुइल’ दाबी करटि निष्पक्ष छानबिनके मागसहित आन्दोलन करले रहे ।
सबसे अदृश्य बुकरही
थारू समुदायमे चरम श्रम शोषणके चर्चा हुइबेर सबसे ओभेलमे परल बुकरहीहुके । बुकरही कलेक कमैयाके गोसिलिया ।(बाँकी ३ पेजमे)

जरुरी टेलिफोनके प्रायोजक: हमार यहाँ बोइलर मूर्तिनके मासु सुपथ मोलमे मिलठ । सेवा कर्ना मौका अवश्य देव्ही । नोट : भोजविहा, व्रतवन्धके लाग होम डेलिभरीके सुविधा बा । प्रो.रमेश चौधरी केभी मासु पसल बेयावेहडी चौक, धनगढी कैलाली शारद उमावि लगे मो. ९८९९६३५६८०	वडा प्रहरी कार्यालय ०९१-५२९२९९,११० इपिका अलरीया ०९१-५४०१२३ त्रिनागर प्रहरी चौकी ०९१-५४०१८३ जिल्ला प्रहरी कार्यालय ०९१-५२९१५३ इपिका मसुरिया ०९१-४०२०१४ इपिका चौमाला ०९१-६९२५७९ इपिका लम्की ०९१-५४०१९९ इपिका भजनी ०९१-५८०१९९ इपिका सुखड ०९१-५२९१६६ इपिका मालाखेती ०९१-५४०१२३ इपिका फल्तुरे ०९१-६९०३३० इपिका हसुलिया ०९१-५२९१५५ इपिका पाण्डौन ९७४९०१४९०५ सिमा प्रहरी चौकी बहुलिया ०९१-५२९००६ इपिका टीकापुर ०९१-५६०१९९ स.प्र.वल सिमासुरक्षा धनगढी ५२६९२८ बैक नेपाल राष्ट्र बैक ०९१-२९३३२२ नवजिवन बैक ०९१-५२३६५३ कृषि विकास बैक ०९१-५२९२३५ मालिका विकास बैक ०९१-५२३७३८ बैक अफ काठमाण्डौ ०९१-५२३३८६	बैक अफ एसिया ०९१-५२५६५० नेपाल बगलादेश बैक ०९१-५२९७८५ सिटीजन बैक ०९१-५२७७८८ कुमारी बैक ०९१-५२६०३८ सनातन बैक ०९१-५२७८५० नेपाल इन्वैसमेन्ट बैक ०९१-५२३७०६ एनएनबी बैक लि.०९१-५२९२९६ सरकारी कार्यालय जिल्ला प्रशासन .०९१-५२९१०१ जिल्ला विकास .०९१-५३२५६० नगरपालिका .०९१-५२९४२९ मालपोत.०९१-५२९२०९, नापी शाखा.०९१-५६०४०२ कृषि विकास .०९१-५२२६५५, भूमि सुधार.०९१-५२९२३४ जिल्ला हुलाक.०९१-५२९५५६, नेपाल बाल संगठन: ५३३६६५ अस्पताल सेती अस्पताल.०९१-५२९२७९ नवजिवन ०९१- ५२९२३३/५२९०३३ विजय मेडिकल हल धनगढी ०९१-५२३४३५ पद्मा धनगढी ०९१-५४०३५५ सेवा लर्निंग होम अलरीया ०९१-५४०७९७ एम्बुलेन्स मसुरिया ९७४९०१८०८९ प्याथोडोटी अस्पताल सुखड०९१-६९४७०७	टीकापुर अस्पताल ०९१-५६०१५० दमकल १०१ नेपाल रेडक्रस सोसाइटी ०९१-५२९३३३ कैलाली उ.बा.संघ ५२९२३७, ५२३९७९ एम्बुलेन्स : ५२९६०० सामुदायिक एम्बुलेन्स सेवा टीकापुर ९८४८५४७५४० विद्युत : ५२९१५५ दिनेश मेडल ०९१-५२९३९२ होटल डिमोटी ०९१-५२३९९८/५२४९३९ जगदम्बा०९१-५२३५१०, मिठा०९१-५२३२७३ तरुण ०९१-५२५६९३, सनलाईट०९१-५२९५३६ वर्ल्ड लिंक धनगढी :५२०१५५ बालुवाजो०९१-५२२८३०/५२७९९० नेपाल पत्रकार महासंघ : ५२७९२२ शैक्षिक संस्था कैलाली बहुमुखी क्याम्पस ०९१-५२९२३३ सुदूरपश्चिमाञ्चल क्याम्पस ०९१-५२३९९२ ऐरवर्ष बहुमुखी क्याम्पस ०९१-५२९०७९ राजनैतिक पार्टी नेपाली कांग्रेस कार्यालय : ५२४९१० नेकपा (एमाले) कार्यालय : ५२९०४० बसपाके काउन्टर धनगढी : ०९१-५२९२५२ एफ.एम दिनेश एम एम ९३.८ मेगाहर्ज धनगढी: ०९१-५२६७०९
--	--	--	--

बजेट नैआइलेसेफे सुदूरपश्चिममे नियमित प्रशासनिक काम नैरुकी : अर्थमन्त्री धामी

पहुरा समाचारदाता


धनगढी, ५ सावन । सुदूरपश्चिम प्रदेश सरकारसे चालु आर्थिक वर्ष २०८३/८४ के बजेट समयमे प्रदेश सभासे पारित करे नैसेकना प्रदेशमे बजेट होलिडेके अवस्था सिर्जना हुइल बा ।

असार मसान्तभितर बजेट पारित हुइना नैसेकलपाछे लावा योजना कार्यान्वयन, विकास निर्माणके काम ओ लावा खर्च शीर्षक प्रभावित हुइना अवस्था देखल हो ।

आर्थिक मामिला मन्त्री विक्रमसिंह धामी कहलै प्रदेश सरकारके नियमित कामकाज नैरुकीना ओ कानुनी व्यवस्था अनुसार राजस्व सक्तलन ओ प्रशासनिक काम निरन्तर सञ्चालन हुइना बटैलै ।

मन्त्री धामी बजेट पारित नैहुइलमेफे प्रचलित कानून अनुसार सरकारसे कर सक्तलन कैना सेकना व्यवस्था रहल राजस्व उठैना काममे कुछ अवरोध नैआइना बटैलै ।

उहाँ कहलै, लावा बजेट नैआइल सम पुरान कानुनी व्यवस्था अनुसार राजस्व सक्तलन करे सेकजाइठ ।



ओस्टेक कर उठैना काम रोकल अवस्था नै हो । उहाँके अनुसार कर्मचारीके तलब, भत्ता ओ नियमित प्रशासनिक खर्च सञ्चालनके लग फे तत्काल कुछ समस्या देखल नै हो । समस्या समाधानबारे थपटी उहाँ कहलै, ओकरबिच राजनीतिक सहमति जुटैना बजेटके निकास निकरना प्रयास हुइटी रहल बा ।

सरकारके भविष्यबारे बोल्टी उहाँसे केन्द्रके राजनीतिक समीकरणसे सुदूरपश्चिमके सरकारके भविष्य

निर्धारण कैना बटैलै । उहाँके अनुसार सत्ता साभेदार दलहुकनबिच केन्द्र ओ प्रदेश दुनु तहमे निरन्तर छलफल हुइटी रहल बा ।

मन्त्री धामीके अनुसार नेकपासे खगराज भट्टके नेतृत्वमे वार्ता समिति गठन करल बा मने नेपाली कांग्रेससे फे मुख्यमन्त्रीके संयोजकत्वमे छलफल आघे बहल बा । बजेट पारित कैना, सरकारहे निरन्तरता देना ओ लावा सरकार गठन कैना विषयमे दलहुकनबिच टमान विकल्पमे संवाद

हुइटी रहल उहाँ बटैलै । दलहुकन बिचके छलफलबारे बोल्टी उहाँ कहलै, अब्बे राजनीतिक दलहुकनबिच छलफल सकारात्मक ढङ्गसे आघे बहल बा । बजेटके समस्या समाधान ओ प्रदेश सरकारहे निकास देना विषयमे सक्कु पक्ष जिम्मेवार बन्ना विश्वास लेहल बटु । सरकार परिवर्तनके चर्चा चल्टी रहल बेला अपन पदके मोहमे नेरहल फे मन्त्री धामीसे स्पष्ट परल ।

उहाँ कहलै, राजनीतिमे सरकार बन्ना ओ परिवर्तन हुइना प्रक्रिया स्वाभाविक हो । परिस्थिति अनुसार लावा सरकार बन्के मै मन्त्री पद छोरेना परीफे ओकरहे सहज रूपमे स्वीकार करम ।

अपन प्राथमिकता प्रस्ट्याइटी उहाँ थपलै, मै प्राथमिकता पद हुके, प्रदेशके समस्या समाधान हो । सुदूरपश्चिम प्रदेशमे बजेट अभावके कारण लावा विकास आयोजना सुरु हुइना नै सेकल हो कहलै बजेटसँगे जोरल ढेर कार्यक्रम अन्वोलमे परल बटै । सरकारसे नियमित प्रशासनिक सेवा, राजस्व संकलन ओ अत्यावश्यक सरकारी कामहे निरन्तरता देना तयारी करल जनैले बा ।

राजनीतिक सहमतिमार्फत हली बजेट पारित कैना ओ प्रदेशहे बजेट होलिडेके अवस्थासे बाहिर निकरना प्रयास जारी रहल मन्त्री धामीके कहाइ बा । उहाँ सक्कु राजनीतिक दलहे प्रदेशके आवश्यकता ओ जनताके हितहे केन्द्रमे राखल साभ्ना सहमतिमे पुगैना आग्रह करटी बजेट कही पारित हुइना विश्वास व्यक्त करल बटै ।

कमैया इतिहासके...

कमैया जहाँ काम करै, बुकरही फेन ओहे काम करेपरै । मने, उहाँक श्रमके कौनो मूल्य नैतोक्ल रहे । कमैयाके वर्षभरके पारिश्रमिक तय होके बुकरहीके श्रम ओहेभितर समोटल मानजाए । बुकरहीहुके छुटे ज्याला नैपाइठ ।

थारू किसानके घरके बुकरहीहे धान लगैना बेला, धान कटन बेला, चाडपर्व वा पाहुना ढेर आइल बेला काममे सघाइ बोलाजाए । साथे उहाँक छावाछाइहे फेन सेवन काम करे लगाइठ । यदि कमैयाके धान लगैना उमेरके छावाछाइ रहलमे, ओइने फेन बिनाज्याला काम करेपरै । कमैयाके छोट उमेरके छाइ विशेष कैके 'छेग्रिन्हुया' (बाखा) चरैना ओ छावा 'गयवा' वा 'भैसवा' (गाईभैसी) चरैना ।

बुकरही किसानके घरमे काम करल दिन 'कलुवा', 'मिभूनी' ओ 'बेरी' अर्थात् दिनके तीन चो खैना खाना किसानके घरमे सपरिवार खाइ पाइठ । जैसिक जमिनदार ओ थारू किसानके घरमे कमैयाके जीवन फरक रहे, ओस्टेक बुकरहीके जीवन फेन फरक रहे । किसानके घरमे बुकरहीके श्रमके मूल्य नैरहे, मने जमिनदारके घरमे उहाँक शरीर असुरक्षित रहे । जमिनदारकोमे रहल ढेर बुकरही बलात्कारके सिकार हुइपरठ । मालिक उहाँउपर मनमौजी करे सेके । ना बुकरही बोले सेकिट, ना कमैया प्रतिवाद करे सेकै । बोल्से लाठी बसे वा और भारी हिंसा होए ।

थारू गाउँगाउँमे रहल जमिनदार कमैया-कमलरीहे किल नाइकि, अन्य थारूउपर समेत अत्याचार करै । टमान ठाउँमे थारूहे जमिनदारकेमे बेगारी (बिनापारिश्रमिक काम करना) के लाग बाध्य पारजाए (जस्टे खेतमे धान लगैना ओ कटन) । कोइ आदेशके अवज्ञा करे सेकना अवस्था नैरहे । काहेकि प्रहरी, अदालत, वकिल ओ स्थानीय प्रशासनके प्रभावशाली व्यक्तिसँग जमिनदारहुकनके मिलेमतो ओ पहुँच बलगर रहे ।

जमिनदारविरुद्ध बोल्न अपन जीवन जोखिममे परना रहे ।

यिहे सामाजिक-राजनीतिक सन्दर्भमे तत्कालीन नेकपा (माओवादी) कैलाली ओ अछाम जिल्ला संगठन समिति २०५५ सावन १६ से २५ गतेसम 'सामन्तहुकनके हतियार कब्जा अभियान' चलैले रहे । यी अवधिमे १७ जाने शोषक-सामन्तहे कारबाही कैके १४ ठो हतियार कब्जा करल बाट लेखक जोखन रतौया अपन डायरीमे उल्लेख करले बटै ।

उ अभियानपाछे जमिनदारहुके गाउँ छोरेके सहर सरे लगलै । उहाँहुकनउपरके कारबाहीसे वर्षोंसे उत्पीडन भोगिट आइल थारूमे प्रतिरोध करना साहस फेन जगागिल । ओकरआघे जैसिनफेन अत्याचार हुइलेसे फेन कमैया ओ कमलरीहे मौन बैठना बाध्य बनाइल रहे । औरेओर, राज्यके टमानजैसिन संयन्त्र फेन अत्याचारी जमिनदारके संरक्षणमे रहे । कठिन संघर्ष ओ आन्दोलनके दबावपाछे नेपाल सरकार २०५७ सालमे कमैया मुक्ति घोषणा करल । मने, कमलरी मुक्तिके विषय कमैया आन्दोलनके विषय बने नैसेकल ओरसे उहाँहुकनके मुक्तिके लाग अभिन १२ वर्ष कुरेपरल । अन्ततः २०६९ सालमे सरकार कमलरी प्रथा अन्त्य हुइल घोषणा करल ।

कमैया, कमलरी ओ बुकरहीहुकनउपर बर्साइल बर्बरता आज फेन मानसपटलमे ताजे बा । कोइ अपन दास जीवन बिटाइल घाउ बोकके बाँचल बटै । ओइनके बच्चा अपन डाइबाबा ओ बुडुबुडीसे भोगलके अपमानके कथा सुनिट बटि ।

उ आँसुके कथा किल नाइहो, नेपाली समाजके संरचनागत उत्पीडनमे जातीय विभेद, वर्गीय वर्चस्व ओ महिलाउपरके हिंसाके इतिहास हो । मौखिक स्मृतिमे कैद यी कथा नैलेकल कमैया, कमलरी ओ बुकरही पुस्तासे भोगल अपमान, संघर्ष ओ प्रतिरोधके एक महत्वपूर्ण अध्याय इतिहाससे हेराइ ।

साभार: इकान्तिपुरसे

जिप दुर्घटनामे २ जानेक मृत्यु

पहुरा समाचारदाता

बाजुरा, ५ सावन । बाजुरा हिमाली गा.पा.५ क्युडी स्थित कुवाडी-क्युडी भितर कच्ची सडक खण्डमे धुलाचौरसे दुधिला खोला ओर जैटी रहल सु.प्र.प.०१-००१ ज १४७८ नम्बरके जिप दुर्घटना हुइल रहे ।

सडकके उपर मोडसे करिव १० मिटर तरेक मोडमे गिरके जीपमे सवार जिल्ला बाजुरा, हिमाली गा.पा.२ बैठना वर्ष ४० के धर्मलाल बुढा ओ जिल्ला हुम्ला, ताजाकोट गा.पा.५ बैना वर्ष ४० के अम्मर सिंह बुढाके मृत्यु सोम्मार साँझ हुइल बा ।

दुर्घटनामे गम्भीर घाहिल हुइल ओइनके कोल्टी आधारभुत अस्पताल बाजुरामे उपचारके क्रममे मृत्यु हुइल हो । साथे दुर्घटनामे घाहिल हुइल अन्य ७ जानेक कोल्टी आधारभुत अस्पताल बाजुरामे उपचार हुइटी रहल बा । दुर्घटना सम्बन्धमे प्रहरी आवश्यक अनुसन्धान करटी रहल बा ।

भरुवा बन्दुक सहित एक जाने पक्राउ

पहुरा समाचारदाता

वगु९८, ५/७/१९ । कैलालीके गौरीगंगा न.पा. ८ बडेपुर बैठना वर्ष २९ के पदम दलामी मगरहे भरुवा बन्दुक थान १ सहित पक्राउ करल बा ।

उहाँ उहे ठाउँ स्थित शिवशक्ति सामुदायिक बनमे सालके खुवाके टोड्का भितर भरुवा बन्दुक लुकाई छिपाई धारल बा कना विशेष सूचनाके आधारमे इलाका प्रहरी कार्यालय मसुरिया, कैलालीसे खटल प्रहरी खोजतलास करेबेर उ हतियार फेला पारके पक्राउ करल हो । यी सम्बन्धमे प्रहरी थप अनुसन्धान करटी रहल बा ।

जवरजस्ती करणी अभियोगमे पक्राउ

पहुरा समाचारदाता

धनगढी, ५ सावन । १४ वर्षीया बालिकाहे जवरजस्ती करणीके अभियोगमे कैलालीके टिकापुर न.पा.३ कटानपुर बैठना वर्ष २१ के राहुल चौधरीहे प्रहरी पक्राउ करले बा ।

उहाँ उ बालिकाहे जवरजस्ती करणी करल कना उजुरीके आधारमे इलाका प्रहरी कार्यालय टिकापुर, कैलालीसे खटल प्रहरी पक्राउ करल हो । यी सम्बन्धमे प्रहरी आवश्यक अनुसन्धान करटी रहल बा ।

सुर्खेतमे ट्राफिक कारबाहीसे १ करोड ३२ लाखसे ढेर राजस्व संकलन



पहुरा समाचारदाता

सुर्खेत, ५ सावन । सुर्खेतमे सवारी साधनके कारबाहीसे करोड से ढेर रकम राजस्व संकलन हुइल बा ।

गत आर्थिक वर्ष २०८२/२०८३ मे १ करोड ३२ लाख ४८ हजार रुपयाँ राजस्व सक्तलन हुइल जिल्ला प्रहरी कार्यालय सुर्खेतके प्रहरी प्रमुख ठाकुरप्रसाद पोखरेल बटैलै ।

उहाँके अनुसार, इ राजस्व ट्राफिक नियम उल्लङ्घन कैना ओ टमान कानुनी कारबाहीमे परल सवारी साधनसे

संकलन हुइल हो । गत वर्ष सुर्खेत जिल्लाभर १४ हजार ९४९ ठो सवारी साधन कारबाहीमे परल रहे । ओस्टेक, सडक दुर्घटनाओर गत वर्ष जिल्लाभर ६९० ठो सवारी दुर्घटना हुइल रहे । जेम्मे ३७ जानेके मृत्यु हुइल बा कहलै १ हजार १६६ जाने घाहिल हुइल बटै ।

सवारी दुर्घटना सम्बन्धी २ हजार ७०७ ठो सचेतना कार्यक्रम सञ्चालन करल ओ उक्त कार्यक्रमसे २ लाख ३१ हजार १३७ जाने लाभान्वित हुइल प्रहरी प्रमुख पोखरेल बटैलै ।

सुदूरपश्चिम...

संकलन करल उहाँ जनैलै ।

एक महिनामे महिला, पुरुष, बालबालिका तथा जेष्ठ नागरिक करके १८५ जाने हेराइलमे १६२ जाने फेला परल बटै कलेसे अभिनसम २३ जाने हेराइल बटै । ओम्ने १०२ महिला हेराइलमे ७ जाने फेला परलै । ३२ जाने बालक हेराइलमे २ जाने फेला परल बटै । बालिका ४३ जाने हेराइलमे ३९ जाने फेला परल बटै ।

जेष्ठ नागरिक ८ जाने हेराइलमे ८ जाने फेला परल बटै । घरेलु हिंसाके १५० ठो मुद्दा दर्ता हुइलमे १४५ ठो मिलापत्र, ४ ठो अदालत पठाइल, एक ठो प्रक्रियामे रहल बा । ठाडे उजुरी ९२७ ठो परलमे १९ ठो फरछौट हुइल बा कलेसे १० ठो फरछौट हुइना बाँकी बा ।

आरक्षपीडित...

रोकल रहिट मने अब्बे कौनो वास्ता नैकरलमे पुनः आन्दोलित हुइ परल उहाँहुकनके कहाइ रहल बा ।

आरक्षपीडित संघर्ष समितिके अध्यक्ष जयबहादुर रोकाया सरकारके भुटा आशवासनके कारण आरक्षपीडित पानीमे डुबके कष्टकर जीवन बिटाइ परल ओ बेर बेर आन्दोलित हुइ परल बटैलै । आरक्षपीडित सोम्मारके महेन्द्रनगर बजारसहित जिल्ला प्रशासन कार्यालय कञ्चनपुरके गेटआघे प्रदर्शनसमेत करल रहिट ।

उहाँहुके १० कठठा जमिन नैघटाके उपलब्ध कराइ पर्ना, हालसमके क्षतिपूर्तिके व्यवस्था करे पर्ना, आरक्षपीडितहे द्वन्द्वपीडित घोषणा करे पर्ना, आरक्षपीडितके अक्के वडा घोषणा करे पर्ना लगायतके माग राखके आन्दोलनमे उतरल हुइट ।

पेट, छाती, मुटु तथा थाईराईड विभाग

उपचार हुने रोगहरु

- उच्च रक्तचाप, दम तथा मुटु रोगको उपचार
- सुगर (मधुमेह), थाईराईड रोगको उपचार तथा परामर्श
- मिर्गी रोग, प्यारालाइसिस (पक्षाघात) तथा अन्य तशा सम्बन्धी रोगको उपचार
- छाती दुस्ते, पेट दुस्ते समस्याको उपचार
- ज्वरो आउने, टाउको दुस्ते तथा पुरानो जटिल रोगको उपचार तथा परामर्श
- सिकल सेलरोग तथा अन्य रगत कम (Anemia) को उपचार तथा परामर्श

२४ सै घण्टा आकस्मिक उपचार

ओ.पि.डी. सेवा प्रत्येक दिन (बिहान ६ देखि साँझ ५ बजेसम्म)

धनगढी

संजिवनी अस्पताल प्रा. लि.

९ (राष्ट्र बैंक चौक, धनगढी-५) ☎ सम्पर्क नं. ०९१-५९०३२८, ९७६४२१७२७, ९७६९९३२१०५

डा. सुमन चौधरी

MBBS, MD (KU)
NMC No. 15308
कन्सल्टेन्ट फिजिसियन

सुदूरपश्चिम दुध उत्पादनमे आत्मनिर्भरता

पहुरा समाचारबाट
धनगढी, ५ सावन । सुदूरपश्चिम प्रदेश दुध उत्पादनमे आत्मनिर्भरता ओर उन्मुख हुइल बा ।

मने दुध उत्पादनके ढेर हिस्सा भर आभिन औपचारिक बजार प्रणालीमे जोरे सेकल नैहो । बजार व्यवस्थापन कमजोर हुइबर किसान उचित मूल्य, उद्योगसे गुणस्तरीय कच्चा पदार्थ ओ उपभोक्तासे सुरक्षित दुधजन्य उत्पादनके लाभ लेहे सेकल नैहुइल । सुदूरपश्चिम प्रदेश दुध विकास बोर्डके अनुसार प्रदेशमे वार्षिक रूपमे तीन लाख ५६ हजार मेट्रिक टनसे ढेर दुध उत्पादन हुइना करल बा । उ मध्ये ६१ प्रतिशतसे ढेर भैंसीनीया ओ ३८ प्रतिशतसे ढेर गैयक दुधके हिस्सा रहल बा ।

तथ्याक्त अनुसार कैलाली प्रदेशके सबसे ढेर दुध उत्पादन कैना जिल्ला हो, जहाँ वार्षिक ९५ हजार ८९० मेट्रिक टन दुध उत्पादन हुइल । कञ्चनपुर दुसरा स्थानमे रहल बा, जहाँ ८८ हजार ३७६ मेट्रिक टन दुध उत्पादन हुइटी आइल बा । उ दुई जिल्ला किल प्रदेशके करिब ५२ प्रतिशत दुध उत्पादनमे योगदान करटी रहल पाइल बा ।

दुध विकास बोर्डके कार्यकारी निर्देशक श्यामसिंह खड्काके अनुसार, बैतडीमे ३९ हजार ६१५, डोटीमे २५ हजार ४०७, डडेलधुरामे २३ हजार ९५३, अछाममे २२ हजार ९४५, बझाङमे २१ हजार ९९३, दार्चुलामे १९ हजार ६४८ ओ बाजुरामे १८ हजार ४४७ मेट्रिक



टन दुध उत्पादन हुइना करल बा ।

जिल्लागत रूपमे रहल उ आँकडासे प्रदेशहे दुध उत्पादनके दृष्टिसे बलगर आधार डेले बा । उ जिल्लामे उत्पादन बढ्ती गैलेसे फेन अधिकांश दुध स्थानीय तथा अनौपचारिक बजारमे खपत हुइना करल बा । औपचारिक सत्कलन प्रणालीमे नैआके दुधके गुणस्तर परीक्षण, पारदर्शी भुक्तानी, प्रशोधन तथा मूल्य अभिवृद्धिजैसन प्रक्रिया प्रभावकारी बने नैसेकल जानकारहुके बटैल । दुध क्षेत्रके विज्ञके अनुसार नेपालके कुल दुध उत्पादनमध्ये करिब १७ प्रतिशत किल औपचारिक रूपमे प्रशोधन ओ प्याकेजिङ होके बजारमे पुगना करल अनुमान बा । उत्पादित दुधके करिब ३३ प्रतिशत अनौपचारिक बजारमार्फत बिक्री हुइल कलेसे आधा जट्टरा दुध गाउँघरमे उपभोग हुइना करल बा ।

नेपाल डेरी एसोसिएसन, सुदूरपश्चिमके अध्यक्ष भूपेन्द्र थापा सुदूरपश्चिममे उत्पादन बढ्नेसे फेन

उहीसे सिर्जना हुइ सेक्ना लाभ भर लेहे नैसेकल बटैल । थापा कहले बटै, नेपालके प्रतिव्यक्ति दुध उपलब्धता वार्षिक करिब ९० लिटर बा, मने सुदूरपश्चिममे १२० से १३० लिटरसम पुगल बा ।

इहीसे हम्ने उत्पादनमे आत्मनिर्भर हुइल टे डेखाइल, मने वितरण, प्रशोधन ओ बजार व्यवस्थापनमे भर समस्या रहल बा ।

उत्पादनहे औपचारिक बजार शृङ्खलामे जोटी किसान ओ राज्यसे लाभ लेना अवस्था बने पनामे जोड डेटी थापा कहलै, ओहोमारे दुध उत्पादन बढ्ना किल पर्याप्त नैहो, हाल उ एकदमे कमजोर बा । भूमि व्यवस्था, कृषि तथा सहकारी मन्त्रालयके सचिव शक्तर साह प्रदेशमे दैनिक १० लाख लिटर दुध उत्पादन हुइना करलेसे फेन ढेर जैसन घरायसी खपतमे प्रयोग हुइटी रहल बटैल । साह कहलै, यहाँ दैनिक १० लाख लिटर दुध उत्पादन हुइल । उ मध्ये दुई लाख लिटर किल औपचारिक बजारमे जैना करल अवस्था रहल बा । उ बाहेक

करल बटैल ।

आब २०७९/८० के कुँवार ३ गते तत्कालीन उद्योग, वाणिज्य तथा आपूर्तिमन्त्री दिलेन्द्रप्रसाद बडू ओ उत्तराखण्डका मुख्यमन्त्री पुष्करसिंह धामी संयुक्त रूपमे पुल निर्माणके शिलान्यास करल रहल । पुल लग्गेहे नेपाल ओरके सरकारी कार्यालय भन्सार, क्वारेन्टाइन, सशस्त्र प्रहरी ओ नेपाल प्रहरी बैठना संरचना निर्माण कैना बाँकी रहल दार्चुलाके सहायक प्रमुख जिल्ला अधिकारी मोहनसिंह धामी जानकारी डेलै । सम्झौता अनुसार पुल निर्माण २०२३ अक्टोबरमे ओराइ पना रलेसे फेन थप काम करे पना हुइलपाछे निर्माण लम्ब्याइल सबइन्जिनियर पाण्डे बटैल ।

पुलके निर्माण भारतीय कम्पनी पी एन्ड आर इन्फ्राप्रोजेक्ट लिमिटेड पन्जाब करल रहे । इ पुल दुई देशबिचके व्यापारिक, पर्यटकीय ओ सांस्कृतिक पक्षमे महत्वपूर्ण टेवा पुना दार्चुला उद्योग वाणिज्य संघके अध्यक्ष सुरेशसिंह थापा बटैल । पुल सञ्चालनमे आइलपाछे दार्चुला, बैतडी, बझाङलगायत सुदूरपश्चिमके पहाडी जिल्लाके साथे भारत ओ चीनसमके व्यापार दार्चुलाके नाकासे हुइ सेक्ना जिल्ला समन्वय समिति प्रमुख महादेव बडू बटैल ।



दार्चुला, ५ सावन । दार्चुलास्थित महाकाली लडियामे निर्माण करल नेपाल-भारत जोना पक्की पुल सञ्चालनमे ढिलाइ हुइल बा । पुल निर्माण पूर्ण रूपमे पूरा होके नेपालओरके १३० मिटर मुख्य सडक निर्माण फेन अन्तिम चरणमे रहल स्थानीय बटैले बटै । नेपाल ओरके सडक निर्माण करटी रहल कम्पनीके सबइन्जिनियर हेम पाण्डेके अनुसार सडकमे ढलान हुइटी रहल ओ उ काम आगामी अगस्तमे ओरैना जनाइल बा ।

करिब ११० मिटर लम्बाइके दुई लेनके इ पुल दार्चुलाके महाकाली

नगरपालिका-८, असिगडा ओ भारतके दार्चुला तहसिल अन्तर्गतके छारछुम क्षेत्रमे परल । स्थानीय जिप व्यवसायी नरेश भट्ट निर्माण पूरा होसेकल पुल सञ्चालन करे पना बटैल । उहाँ कहलै, “यहाँके व्यापार, पर्यटन क्षेत्रहे प्रवर्द्धन करक लाग दुई देशके सीमामा बनल पुल यथाशीघ्र सञ्चालन कैना जरुरी रहल बा ।”

दार्चुलाके प्रतिनिधि सभा सदस्य गणेशसिंह ठगुन्ना निर्माण पूरा होके सञ्चालनके पछाइमे रहल पुल नेपाल ओर आवश्यक पूर्वाधार निर्माण कैके हाली सञ्चालनके लाग सरकारके ध्यानाकर्षण

विपद् जोखिम न्यूनीकरणको पूर्वतयारी गरौं

- ❖ वर्षाको समयमा बाढी पहिरो तथा चट्याङ्गको जोखिम हुन सक्छ,
- ❖ सम्भावित जोखिमको मूल्यांकन गरौं, सचेत बनौं,
- ❖ जोखिमयुक्त स्थानमा नबसौं, सुरक्षित स्थानमा बसौं,
- ❖ नदि किनारा वा भिरालो जमिनमा बसोबास भएकाहरु विशेष सतर्क रहौं,
- ❖ सम्भावित जोखिमबाट बच्न आपतकालीन पूर्वयोजना बनाऔं,
- ❖ घर परिवार र छिमेकीहरूसँग मिलेर सुरक्षित स्थानको पहिचान गरौं,
- ❖ सम्पर्क बिन्दुहरु तय गरौं, सूचना प्रणालीमा आवद्ध होऔं,
- ❖ खाद्यान्न, पानी, प्राथमिक उपचार सामग्री, टर्चलाइट र आवश्यक औषधि आदि तयारी अवस्थामा राखौं,
- ❖ प्रकोप व्यवस्थापन तालिम तथा अभ्यासमा सहभागी बनौं,
- ❖ बालबालिका, वृद्धवृद्धा र अपाङ्गता भएका व्यक्तिको सुरक्षामा ध्यान दिऔं ।



भजनी नगरपालिका

४ नम्बरको कार्यालय

खैलाड, कैलाली

अवैध लागुऔषधसहित चार जाने नियन्त्रणमे

पहुरा समाचारबाट

धनगढी, ५ सावन । कैलाली ओ कञ्चनपुरके अलगअलग ठाउँसे अवैध लागु औषधसहित चार जाने पक्राउ परल बटै ।

कैलालीके टीकापुर न.पा.८ से अवैध लागुऔषध खैरो हेरोइन ७८० मिलिग्राम सहित २ जनहनहे प्रहरी पक्राउ करले बा । पक्राउ परइयामे जिल्ला बर्दिया, राजापुर न.पा.१ बैठना बर्ष २२ के हिमाल चलेना ओ बर्ष २५ के राजेन्द्र रावत रहल बटै । इलाका प्रहरी कार्यालय टिकापुर, कैलालीसे खटल प्रहरी शंका लागके चेकजाँच करेबर उ उ पदार्थ फेला पारके उ पदार्थ सहित

पक्राउ करल हो ।

ओस्टेक कञ्चनपुर बेलौरी न.पा.१० सडकघाटसे अवैध लागुऔषध खैरोहेरोइन जैसन विलेना पदार्थ १ ग्राम ५५० मिलिग्राम सहित २ जनहनहे प्रहरी पक्राउ करले बा । पक्राउ परइयामे डोटीके बडिकेदार गा.पा.४ बैठना बर्ष ३० के बसन्त मौनी ओ उहे गा.पा.१ बैठना बर्ष के २८ सुदिप बम रहल बटै । इलाका प्रहरी कार्यालय बेलडाँडी, कञ्चनपुरसे खटल प्रहरी सु.प.प्र. ०१० प ९०७६ नम्बरके मोटरसाइकलमे सवार ओइनहे शंका लागके चेकजाँच करेबर उ पदार्थ फेला पारके उ पदार्थ, मोटरसाइकल सहित पक्राउ करल हो ।

१ लाख ३७ हजारके सामान नियन्त्रण

पहुरा समाचारबाट

कञ्चनपुर, ५ सावन । कञ्चनपुरके भीमवस्त न.पा.११ गड्डाचौकीसे अवैध रूपमे भारतसे भन्सार छलि करके ल्यानल रु.१ लाख २ हजारके सामान नियन्त्रणमे लेहल बा । इलाका प्रहरी कार्यालय गड्डाचौकी, कञ्चनपुरसे खटल प्रहरीसे ओटरा मोल बराबरके थान कपडा

नियन्त्रणमे लेहल हो ।

ओस्टेक करके बैतडी दशरथचन्द न.पा.२ कठपटेसे अवैध रूपमे भारतसे भन्सार छलि करके ल्यानल अन्दाजी मूल्य रु.३१ हजार ५ सय बराबरके सुटपिस सोम्बार जिल्ला प्रहरी कार्यालय बैतडीसे खटल प्रहरी बेवारिसे अवस्थामे फेला पारके आवश्यक प्रक्रिया पुरा करके नियन्त्रणमे लेहल हो ।

विपद् जोखिम न्यूनीकरणको पूर्वतयारी गरौं

- ❖ वर्षाको समयमा बाढी पहिरो तथा चट्याङ्गको जोखिम हुन सक्छ,
- ❖ सम्भावित जोखिमको मूल्यांकन गरौं, सचेत बनौं,
- ❖ जोखिमयुक्त स्थानमा नबसौं, सुरक्षित स्थानमा बसौं,
- ❖ नदि किनारा वा भिरालो जमिनमा बसोबास भएकाहरु विशेष सतर्क रहौं,
- ❖ सम्भावित जोखिमबाट बच्न आपतकालीन पूर्वयोजना बनाऔं,
- ❖ घर परिवार र छिमेकीहरूसँग मिलेर सुरक्षित स्थानको पहिचान गरौं,
- ❖ सम्पर्क बिन्दुहरु तय गरौं, सूचना प्रणालीमा आवद्ध होऔं,
- ❖ खाद्यान्न, पानी, प्राथमिक उपचार सामग्री, टर्चलाइट र आवश्यक औषधि आदि तयारी अवस्थामा राखौं,
- ❖ प्रकोप व्यवस्थापन तालिम तथा अभ्यासमा सहभागी बनौं,
- ❖ बालबालिका, वृद्धवृद्धा र अपाङ्गता भएका व्यक्तिको सुरक्षामा ध्यान दिऔं ।



कैलाली गाउँपालिका

गाउँ कार्यपालिकाको कार्यालय

कैलाली

सुवर्ण अवसर ! सुवर्ण अवसर !! सुवर्ण अवसर !!!

कैलाली अस्पताल प्रा.लि

Provide Health Related Services

सेवाहरु:

- ❑ मधुमेह(सुगर)
- ❑ थाइराइड रोग
- ❑ पेट,मुटु तथा छातिरोग
- ❑ कलेजी रोग
- ❑ TB, हेपाटाइटिस रोग
- ❑ ब्लडप्रेसर तथा हृदयरोग
- ❑ मोटोपना

डा. अकाश राउत
MBBS, MD (T.U.), Internal Medicine
Senior Consultant Physician
NMC NO. 20304

आउने समय : प्रत्येक दिन (२४सै घण्टा)

डाक्टर आउने समय : प्रत्येक दिन, आकस्मिक सेवा (चिकित्सक) २४ घण्टा

हावा सेवाहरु : १) २४ घण्टा ईमर्जेन्सी सेवा, फार्मेसी सेवा, अत्याधुनिक प्याथोलोजी, रंगीन इण्डोस्कोपी, डिजिटल एक्सरे, रंगीन भिडियो एक्सरे, अत्याधुनिक अप्रेसन थियटरबाट सेवा, वातानुकुलीन एम्बुलेन्स, वातानुकुलीन क्याविन । २) स्त्री रोग तथा प्रसूती सम्बन्धी सेवा (बॉन्फोपन, सेतोपानी बग्ने, तल्लो पेट दुख्ने, महिनावारी गडबडी, पाठेघर खस्ने, पाठेघरको अप्रेसन, गर्भवती तथा सुत्केरी सेवा) । ३) ल्याप्रोस्कोपी तथा जनरल सर्जरी (हाइड्रोसिल, हर्निया, पायल्स, फिस्टुला, स्तनमा गाँठागुठी आउने, शरिरका विभिन्न भागमा गाँठागुठी, घाउ खटिरा, पत्थरी, किडनीको पत्थरी, प्रोस्टेटको अप्रेसन तथा पित्तथैलीको पत्थरी अप्रेसन) । ४) हाडा(जोर्नी तथा नशा सम्बन्धी सेवा (हाटखुट्टा बाङ्ने, फ्याक्चर, हाडजोर्नीको दुखाई, कम्मर दुख्ने तथा अत्याधुनिक मेसिनबाट हड्डीको अप्रेसन)छाती, मुटु, कलेजो तथा पेट सम्बन्धी सेवा । ५) यौनरोग, कपाल तथा छाला रोग सम्बन्धी सेवा । ६) मानसिक तथा मनोरोग सेवा । ७) नाक, कान, घाँटी रोग सम्बन्धी सेवा । ८) मुर्छा पनुं, टाउको दुख्ने जस्ता समस्याहरु, प्यारालाइसिस हातखुट्टा नचल्ने सम्बन्धी सेवा । ९) न्यूरो (नशा रोग) लागुपदार्थ दुर्व्यसनी, कुलत सम्बन्धी, हाटखुट्टा भ्रमभ्रमउत्ते, छारे रोग । १०) आगोले पोलेको हातखुट्टा बाङ्गिएको र खुँडेको अप्रेसन आदि सेवा ।



कैलाली अस्पताल प्रा.लि

जिल्ला प्रशासन कार्यालय अगाडि, पशुपति टोल, धनगढी, कैलाली

फोन नं. ०९१-५२४५५५, ५२४६५४, ५२१२४९